

Alkitab Sagan Kakanakan Mengenal akan



Daud Si
Raja
(Bagian 1)



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.


Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Daud anum dalam palarian. Raja Saul handak mambunuh inya. Daud badiam di hutan balantara, di dalam gua lawan empat ratus pangikutnya.



Kadang-kadang, tantara-tantara Saul parak manamuakan buhannya. Tapi Daud tarus bapindah-pindah.



Palayan Saul, Doeg, baucap ka raja amun para imam manulung palarian Daud. Saul mamarintahakan hagan mambunuh buhannya. Tapi Doeg nang handak malakuakannya! Lawan brutal inya mambunuh dalapan puluh lima imam lawan kaluarganya lawan padangnya. Ngintu kajam banar.





Pas hari ngintu,
Saul mamburu
Daud lawan
bajalan ka dalam
gua dimana
Daud lawan
urang-urangny
basambunyi.
Saul saurangan!



Di dalam gua, Daud kawa
lawan mudah mambunuh
Saul. Tapi, inya malah
marangkak baparang
lawan manatak
sabagian matan
jubah Saul
lawan lading



balatinya nang landap. Pas Saul tulak,
Daud mahiau inya. "Matan kanyataan
amun aku manatak punca jubah inya lawan
kada mambunuh inya, kawalah ikam katahui
lawan ikam malihat, amun tanganku
barasih matan sagala kajahatan."



Saul baucap manyasal banar sudah mancuba hagan manyakiti Daud. Tapi lakas, kasirikannya nang lawas babulik pulang lawan inya mangumpulakan talu ribu tantaranya hagan mambunuh Daud. Pas malam, pas tantara-tantara ngintu guring, Daud lawan Abisai, salah saurang tantaranya masuk ka dalam parkemahan raja di mana Saul barabah guring.





"Pas hari ngini Allah sudah manyarahakan musuhmu ka dalam tanganmu," Abisai babisik. "Ulih ngintu izinakanlah aku manyucuk inya ka tanah lawan tumbak ngini: lawan sabuting tikaman haja, kada usah inya kucucuk dua kali."





Daud manulak. Inya maambil tumbak lawan kandi Saul, lawan manginggalakan inya. Sabuting lagi Saul malihat amun Daud bisa mambunuhnya, tapi Daud kada malakuakannya. Sabuting lagi, Saul baucap amun inya manyasal sudah mancuba hagan manyakiti Daud. Tapi Daud tahu inya kada kawa mamparcayai kata-kata Saul.





Pas ngintu Samuel mati. Inya adalah nabi matan Tuhan nang ka inya Tuhan baucap hagan mangurapi Saul, imbah ngintu Daud manjadi raja atas Israel. Pas urang-urang Filistin manyarang Iseael, Saul malakuakan sasuaat nang mangarikan, sasuaat nang kada dibolehi Tuhan.



Inya mamarintahakan saurang binian hagan mahiau Samuel matan wadah kamatiannya. Pas malam ngintu, Saul mandapatakan sabuting pasan.



"Tuhan sudah undur matan ikam
lawan sudah manjadi musuh ikam ...
TUHAN sudah marabut karajaan matan
tangan ikam lawan sudah mambariakan
ka urang lain yaitu Daud. Isuk ikam
lawan anak-anak ikam sudah basama-sama
lawan daku. Jua tantara Israel pacangan
disarahakan TUHAN ka dalam tangan
Filistin." Pas Saul mandangar hal
ngini inya gugur ka tanah lawan
katakutan banar.




Urang Filistin baparang malawan Israel,
lawan urang-urang Israel malariakan
diri. Urang Filistin mambunuh
anak lakian Saul
tamasuk Yonatan,
sahabat Daud.



Saul luka parah ulih kana panah matan buhan pamanah. Lawan inya baucap ka pambawa sanjatanya, "Hunuslah padangmu lawan tikamlah aku, supaya kada datang urang-urang nang kada basunat ngini manikam aku lawan malakuakan aku sabagai parmainan." Tapi pambawa sanjatanya kada mau ulih segan banar. Imbah ngintu Saul maambil padang lawan mangugurakan dirinya ka atasnya.





Urang-urang Filistin manamuakan mayat Saul lawan anak-anaknya, lawan mamakuakan mayat buhannya di tawing kuta Bet-Sean. Sapalih urang gagah parkasa maambil mayat Saul lawan anak-anaknya, mambawa buhannya bulik lawan mambakar mayat buhannya sabalum dikuburakan sabagai paringatan Israel.





Pas Daud mandangar
barita nang mangariakan
ngintu, inya badukacita
lawan manangis lawan
bapausa sampai malam
ulih Saul, ulih anaknya
Yonatan, lawan ulih umat
TUHAN, ulih buhannya
sudah gugur ulih padang.



Biar Saul mancuba hagan mambunuh Daud, Daud manghormati Saul sabagai saikung urang diurapi ulih Tuhan sampai akhir hayatnya. Wahini Tuhan manghormati Daud, lawan manjadiakannya raja atas istana Saul.



Daud Si Raja (Bagian 1)

Sabuting kisah matan Firman Tuhan, Alkitab

Taulih dalam

1 Samuel 24-31; 2 Samuel 1-2

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

